

14. ANALE CRTEŽA BIH-MOSTAR GRAND PRIX 2011

07/06/2011

Poštovanim kolegama, članovima ULUBiH-a Poštovani, Izložba "Anale crteža BiH MOSTAR GRAND PRIX 2011", je tradicionalna godišnja smotra bosanskohercegovačkog crteža. Udruženje likovnih umjetnika i ove, 2011 godine u saradnji sa Centrom za kulturu Mostar i pokroviteljstvom Grada Mostara organizira "14 Anale crteža Bosne i Hercegovine MOSTAR GRAND PRIX 2011". Izložba "Anale crteža BiH MOSTAR GRAND PRIX 2011". Pravo sudjelovanja na izložbi imaju svi članovi udruženja. Radovi koje prilažu moraju biti datirani ili izvedeni u razdoblju između dvije izložbe, odnosno ne smiju biti stariji od godine dana. Izložba je selektivnog karaktera, a Umjetnički savjet ULUBiH-a ima pravo pozvati određeni broj autora koji ne podliježu selekciji. US ULUBiH-a je uz saglasnost UO ULUBiH-a donio nove propozicije koje se tiču bodovanja i selektiranja prispjelih radova. Tako će od ove godine biti dodjeljene sljedeće nagrade: GRAND PRIX 14. ANALA CRTEŽA BiH – MOSTAR 2011 NAGRADA ZA KLASIČNI CRTEŽ 14. ANALA CRTEŽA BiH – MOSTAR 2011 NAGRADA ZA EKSPERIMENTALNI CRTEŽ 14. ANALA CRTEŽA BiH – MOSTAR 2011 Uz prijavu dostaviti do dva rada u galeriju Roman Petrović, Titova 54, Sarajevo 71000, od 20.06. do 25.06. 2011. godine od 11-13 sati. Otvaranje izložbe je zakazano za 14.07.2011. godine u galeriji Centra za kulturu Mostar, Rade Bitange 13, Mostar 88000, u 19h. Postavka izložbe 14. ANALA CRTEŽA BiH – MOSTAR 2011 će pored Mostara biti predstavljena i u Banja Luci, Sarajevu i Tuzli. US ULUBiH-a neće uzimati u obzir radove članova Udruženja koji nisu platili članarine. Izložba ULUBiH-a "Salon mladih 2011". Loša finansijska situacija je uzrok prolongiranju priređivanja tradicionalne izložbe "Salon mladih 2011". Kancelarija ULUBiH-a aktivno radi na iznalaženju sredstava za održavanje ove izložbe i u planu je da se priredi do kraja ove kalendarske godine. Članovi Udruženja koji na osnovu propozicija izložbe imaju pravo participirati i sudjelovati će blagovremeno biti upoznati sa aktivnostima koje je Kancelarija obavila vezano za ovu izložbu, a sve novosti će biti objavljene na sajtu Udruženja www.ulubih.ba